

Bingo e cacho di mi Malu skirbi pa Sachiël Tromp



“**BINGO** e cacho di mi Malu” ta e prome storia di Sachiël Tromp. Traduci pa Mr. Marcel van der Veen. Un storia di un bida real di su cacho cu a keda sin doño, despues cu Sachiël su bisawela a fayece. Un storia cu Sachiël a skirbi pa tur hende por siña cu un cacho brabo por bira un hende su miho amigo. Sachiël tin 8 año y a nace riba un diamars 7 di januari 2003 na Aruba. Su mami y papi a dune e nombrenan, Sachiël Marshan Beltryn Tromp. Su number Sachiël ta significa: Angel di awa y di berdad e ta gusta bebe y hunga cu awa. Sachiël ta biba na Noord y Washington ta su dushi barrio. Eynan e ta biba hunto cu papi Maikel y su mami Sharlyn, tur hende conoce nan como Chief y Akela. E tin un ruman mas chikito cu tin cuatro

año y yama Phelan. Sachiël ta alumno di Colegio Felipe B. Tromp y ta den 3de klas. Su hobby ta scouting y ta miembro di Grupo Scout San Dominico Noord desde cu el a haci 5 año como un Bever. Tambe e ta gusta atletismo y desde su 4 año ta miembro di Olympia. Tambe e ta haci turnen cu Club Progreso na Centro Deportivo Playa. Tambe e ta bayendo les di landamento cerca M&M Swim Club y tin caba su diploma A bayendo pa su diploma B. El a sigui curso di Percusion Musical Infantil na F.D.E.C cerca Mr. Suarez. Y tambe ta haya les di cuarta cerca Mr. Epi Kock. Sachiël ta gradici na prome luga su “Malu” den cielo cu a bay drumi cerca Papa Dios y a laga su proteccion atras pe den Bingo. Tambe danki na su Mami

Sharlyn cu a lage kere cu si e por skirbi su mesun storia di berdad y pa a skirbi pida pida di su storia ora e pidi mami pa pone esaki den su storia pa despues type e storia pe riba computer. Su soño semper tabata ta cu ora e haci 8 año e caba cu su prome storia y el a cuminsa skirbi su storia dia cu su Malu a muri y el a tuma su cacho pa e no keda sin doño y pa nan no hib’e Animal Shelter.

Tur anochi Sachiël cu su mami ta lesa tur sorto di storia, na Papiamento y Hulandes pasobra esaki ta importante pa e hisa su AVI-nivo.

Diasabra awo dia 10 di december Sachiël Tromp lo ta na Van Dorp Dakota pa asina presenta su buki nobo na esnan interesa y firma esaki pa nan. Sachiël lo t’ey di 3.00 pm – 5.00 pm.